



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 161. De bonis traditis in villis Thiunun et Haculesthorpe in pago Auga,
nec non de Edelhardo, Saxonum duce.

urn:nbn:de:hbz:466:1-36114

§. 160.

Tradidit raginoldus in uice eisulf in - - - - - quidquid
ibi habuit testef aldmer euuuruuard maynuuerc figer et alii tres.
tradidit ymynnuard quidquid habuit in *holtesfrynne* (z) tam in campis
quam in siluis testef syni pumi helmbodo uildag et alii tres.

guber-
nante
Corbe-
iam Wa-
rino.

§. 161.

Tradidit ailhardus mansum unum cum familia in *thiunum* (A) testef
bozo bruni bodo offo et alii tres.
tradidit beuo quidquid habuit in *haculesthorpe* (B) testef gelo hildigerus
eisulf cado et alii quatuor.

§. 162.

in praefectura Wense, quam villam probe discernas velim ab Osterholt in praefectura Siecke in comitatu Hojano. Notatu adhuc dignum esse putamus, dominum, qui in Osterholt quidquid habuit, donauit, appellari *Osdagum*, quippe qui idem videtur fuisse, qui supra §. 10. quaedam tradidit in Gadensted, loco praefecturae Peina. An vero ad familiam Billinganam referendus sit, nec ne, de eo infra pluribus differemus.

- (z) De villa *Holtesfrynne*, in pago Auga sita, vide supra §. 97. Quomodo locus saeculo XIII vrbs euaserit, comprobatur diplomate Euersteiniensis Comitis circa finem Addendorum seu Diplomatarii subiuncti.

- (A) *Thiunum* villam fuisse in pago Auga, didicimus praeterea ex *Registro* nostro saepissime excitato. At vero in eadem regione nullus eiusdem nominis vicus reperitur. *Thiunum* villa ergo vel desolata est, vel designatur nullus alius locus, nisi castrum *Tbonenborg*, iter dimidiae horae distans a Corbeia nostra ad Wiseram.

Quod ipsum nobis probabilissimum videtur. Annales MSæti incerti auctoris, in archiuo Corbeiensis exstantes, f. 460. hæc habent verba: *Cum propter continuos bellorum motus (anno 1295) vicina castra hinc inde deicerentur, ne ex his vis fieret ab hostibus, nostra quoque Brunisberga, vetus Saxonum castrum ab episcopo Paderbornensi Ottone, et comitibus Swalbergensibus Adolfo et Alberto, fratribus, funditus euersum est.* Quoniam autem post hæc tempora abbatiae nostrae bona omnibus praedonibus diripienda concedebantur, hinc anno 1315 *Rupertus abbas noster Tonenburgum exstruxit, adiutus opera Theodorici de Iter, iisdem annalibus testibus.* Cum igitur ex aliis constet documentis, *Tunen* villam anno 1230 adhuc existisse in eadem regione, probabiliter nomen villae *Tunen* mutatum fuit, et a castro in ea constructo *Tonenborg* est nominatum. Dignissimum autem notatu arbitramur, quod ille dominus, qui in eadem villa *Thiunum*, vix iter vnus horae a castro Brunonisburgo distante, bona possedit, appellatur *Ailhardus*, quem supra §. 104. not. (n) magna probabilitatis specie nepotem Angariorum ducis Brunonis fuisse asseruimus. Quod si igitur relatum legimus, quendam *Edelbardum* inter antiquos occidentalium Saxonum reges fuisse, collegimus inde, illum *Edelbardum* verisimiliter inter progenitores Brunonis ac Widekindi ducum esse referendum. Nomen *Edelbarði* idem esse quod *Adelbardus* atque *Ailhardus*, nemo sanæ mentis negabit, et quamuis sciamus, *Edelbardum* illum inter fabulosos Saxonum reges a quibusdam numerari, arbitramur tamen, licet iam supra §. 106. ipsi concesserimus, quaedam fabulosa in genealogia antiquorum Saxonum regum occurrere, cum cane non simul et lorum reiiciendum esse. Fatemur, nos de illo *Edelbarde* nullos antiquiores habere testes, quam Engelhusium et Gobelinum: at e contrario scimus, eosdem pleraque sua ex antiquioribus membranis, in bibliotheca Corbeiensis olim exstantibus, quibus imperiti milites tempore belli tricennalis vias et plateas muniuerunt, hausisse. Cum igitur Gobelinus *Ætate VI. cap. 27. Tom. I. Meibomii p. 234.* referat, *venerabilem Bedam obiisse anno 735, et post hoc Edelbardum regem occidentalium Saxonum obiisse*, censemus hanc relationem ideo in dubium vocandam non esse, quum Chronologia Anglo-Saxonica mortem Bedæ in annum 734 retulerit et ad annum 741 scripserit: *Her Æthelbeard Cyning forþsferde i. e. Æthelhardus rex decessit.* In *Chronico Saxo-*

De Edel-
hardo Sa-
xonum
duce.